

Cronica dalla Societad da musica Trun onn da musica 2023/24

Lincs films sin youtube

- [Gruss an Barneveld \(1989\)](#)
- [Arosa \(2021\)](#)
- [GP Vignogn 2022](#)
- [Winter Wonderland \(2022\)](#)
- [canal da youtube dalla SMT](#)
- [Trailer concert annual 2023](#)

4-11-23

159avla radunonza generala dalla SMT el Centro.

6-1-24

Emprem exerceci dil niev onn da musica.

13-1-24

Sera da ventschidas el Tschutt. Nus essan sesi da cumpignia ed havein tschenau grondius. Ils giugs e las produziuns han fatg cuort'uriala.

2-3-24

Sonda naven dallas duas ha il camp da preparaziun pil concert annual giu liug. Nus essan stai dabia musicantas e musicants. Nus vein fatg buna lavur. Corsin Tuor ha luvrau entginas uras culla SMT e strappazau la gnarva e la pazienza da enquala musicanta ed enqual musicant. Tier la Beni el Tschutt havein nus gudio la sera ina buna tscheina. Silsunter ei igl exerceci ius vinavon cun Adi. Sunter in stregn di havein nus gudio la cumpignia tier in sitg cauld ni freid.

30-3-24

Kick-off dalla fiasta sut igl Ischi 2024 600 onns Ligia Grischa. La SMT ha sunau duront il Kick-off entgins tocs sco accumpignament musical. Sunter las produziuns el curtin d'honor essan nus aunc marschai da vitg en entochen tiel Museum Cuort Ligia Grischa.

Infos project 600 onns Ligia Grischa: <https://www.ischi2024.ch/>

[Emissiun Telesguard](#)

2-4-24

Emprem exerceci cun Alexi e Marcus.

7-4-24

Sco usitau havein nus accompignau las εμπremcommunicantas ed ils εμπremcommunicants cun in salid musical da Dumengi'alva.

20-4 ed ils 21-4-24

La fin d'jamna da concert ei finalmejn cheu. Il punct culminont din project tut special. Avon che la fin d'jamna ei alla fin, eisi εμπrem aunc da guder ils dus concerts cun Alexi e Marcus. Els han carmalau la sonda e la dumengia mintgamai bien 300 persunas ella sala dil center communal a Trun. In eveniment tut special per la SMT ed era per Alexi e Marcus.

**SOCIETAD DA MUSICA
ALEXI E MARCUS**
CONCERT COMMUNABEL

600 ONNS
LIGIA GRISCHA

SOCIETAD DA MUSICA TRUN
CUN ALEXI E MARCUS

SONDA DUMENGLIA
**20 & 21
D'AVREL**

SONDA ALLAS 20.00
DUMENGLIA ALLAS 17.00

TRUN, CENTER COMMUNAL
CUN STIVA DA CAFE LA SONDIA SERA

sat'igt
**ISEHI
2024**
600 onns Ligia Grischa

TRUN

CONCERT COMMUNABEL

DALLA SOCIETAD DA MUSICA TRUN
CUN ALEXI E MARCUS

In experiment tut special apetoj Vos questa primavera: Ina fusoin musicala dalla Societad da musica Trun cun Alexi e Marcus. Per quel concert extraordinarij Ha Coralin Tour arranschau entgias «classiche» alla cantadurs romontchs cun accompignament da brass.

Ultra da quel sunan e cantan Alexi e Marcus sco duo, ferton che la musica presenta la «Legenda rumantscha», il toc della Fiasta da musica cantunala 2024 a Clavotta.

Nus celegrin sin Vossa viseta.

In experiment musical extraordinari

La proxima fin d'jamna concertescha la Societad da musica da Trun ensem cun Alexi e Marcus. Il concert communal dils dus cantauturs cun ina musica da brass ei ina premiera en Surselva. La societad da musica ed ils cantauturs sunan e contan entginas produziuns da cuminonza. La musica ed Alexi e Marcus seprentan denton era sco singulas formaziuns.

MARTIN GABRIEL/FMR

Il concert communal dalla musica da Trun ensem cun Alexi e Marcus ha liug la proxima sonda e dumengia e stat sut l'enzenza dil giubileum da 600 onns Ligia Grischa. La musica da Trun suna melodias d'Alexi e Marcus, arranschadas dil musicist, cumponist e dirigent Corsin Tuor. Plinavon presenta la musica il toc «Legenda rumantscha» ch'ella suna era alla Fiasta da musica cantunala 2024 a Claustra. L'idea d'ughegiar in experiment extraordinari ei vegnida dalla societad da musica sezza. Sco quei che Adrian Deponda, il dirigent dalla musica da Trun di, seigi ei impurtont ed indispensabel che la musica banduni mintgaton sia zona da confort ed ughegi enzatgei niev. «Per nus dalla musica ei la collaboraziun cun Alexi e Marcus zatgei totalmeint niev. Igl ei denton ina feg buna experientscha per las musicantas e pils musicants da giugar inagada in'otra rolla sin tribuna che quei che nus fagein sco formaziun suletta.» Pil dirigent ei l'experientscha d'uonn in muosavia. «Jeu sun perschadius che nus stuein egl avegnir far daplirs experiments sco quel cun Alexi e Marcus uonn. En mintga cass encaiminas jeu bugen quella via el futur.»



La musica da Trun a caschun d'ina dallas davosas emprovas avon il concert dalla proxima fin d'jamna.

Damonda beivegnida

Alexi Nay ch'ei a sias uras era staus member dalla musica da Trun di, che la damonda dalla musica da Trun per colaborar al concert dalla proxima fin d'jamna seigi stada feg beivegnida per els sco cantauturs. «Igl ei ina honor d'astgar collaborar culla musica ed igl ei ina honor che la musica presenta certs tocs ensem cun nus. Sper las produziuns communablas cantein nus era sco formaziun Alexi e Marcus e vegnin en

quella formaziun era accumpignai dil saxofonist Clau Matsen. Omisduas formaziuns seproduceschan persulas e da cuminonza.

Ina sfida

«Jeu haiel ponderau ditg avon che su-prender l'incarica d'arranschar las canzuns d'Alexi e Marcus per la musica da Trun», di il musicist, cumponist e dirigent Corsin Tuor en discuers cun la FMR. «Studiaiu ditg perquei che las can-

zuns d'Alexi e Marcus vivan dil text ch'ei ina part centrala dallas canzuns.» D'arranschar quellas canzuns senza tangar l'impurtonza dil text seigi propi stau ina gronda sfida. «Duront la lavur d'arranschar hai jeu denton era realisau che las canzuns han sper il text era ina gronda substanz musicala.» El hagi survegniu in nudetg plascher da luvrar vid quels arranschaments, di Corsin Tuor. «Per mei ei si stau feg impurtont da mirar che las canzuns mantegnien lur vestgiu musical

original. Da l'otra vart hai jeu stuiu procurar che la musica hagi interessantas caussas da sunar.»

Ina purschida speciala pils centenari

Las musicantas ed ils musicants seigien stai frug e flomma da bial'entschanta per la musica d'Alexi e Marcus, di Gion Simeon, il president dalla Societad da musica da Trun. «L'identificaziun da nus musicantas e musicants cun quellas canzuns ei gronda. Alexi Nay deriva da nosa vischnaunca e biars da nus ein carschi si ensem cun el. Jeu persunalmeint se-regordel feg bein da mia affonza ch'jeu haiel udiu d'in dils emprovas concerts d'Alexi e Marcus.» Cun quei concert d'uonn hagi la musica vultu porscher enzatgei special per la fiasta da 600 onns Ligia Grischa, di il president Gion Simeon. «Nus havein differentas incumbensas da sunar duront las occurrenzas dalla fiasta centenara ed essan era vegni susteni feg dalla vischnaunca, en special per nies concert dalla proxima fin d'jamna.»

Ilis dus concerts dalla Societad da musica da Trun ensem cun Alexi e Marcus han liug sonda, ils 20 d'avril 2024 allas 20.00 e dumengia, ils 21 d'avril 2024 allas 17.00 el Center communal a Trun. Reservaziuns: www.musicatrun.ch.

Ils cantauturs Alexi e Marcus coopereschon cun la musica da Trun.

FOTOS MARTIN GABRIEL

[Trailer Concert](#)

[Revista RTR](#)

[Fotos e Videos Surselva Tourismus](#)

27-4-24

Concert dil Chor Viril Ligia Grischa. La SMT ha sunau avon il concert dil Chor la Legenda Rumantscha ella baselgia parochiala a Trun.

28-4-24

A caschun dalla fiasta da Creisma ha la SMT astgau sunar entgins tocs per las cresmantas ed ils cresnants sil plaz cadruvi.

12-5-24

Dil di dallas mummas ha la SMT sunau avon messa sin plaz cadruvi. Duront messa havein nus sunau ella Casa s. Martin e gratulau a tut las giubilaras ed a tut ils giubilaras.

22-5-24

Exerceci cun Simon Bühler, il cumponist dil toc da pensum Larein.

25-5-24

Exerceci cul dirigent extern Pirmin Hodel.

09-06-24

Fiasta da musica cantunala a Claustra. Il toc da pensum (Larein) ed il toc da pag (Legenda Rumantscha) havein nus sunau avon miezdi allas 9:30. Per la Legenda Rumantscha havein nus survegniu fenomenals 94 puncts. Per il Larein havein nus survegniu buns 91 puncts. Quei fa ensemen 185 puncts e plaz 5. Era aunc avon miezdi allas 11:40 havein nus astgau marschar cun Bundesrat Gnägi. Per il Bundesrat Gnägi havein nus survegniu 89.67 puncts ed essan setschentai sin plaz 6.

[Bundesrat Gnägi Claustra](#)


[Larein e Legenda Rumantscha Claustra](#)





Fotos officialas dalla fiasta da musica cantunala a Clastra

«Ufstellig» da marschar si Clastra (V2, AD)



Duront la rangaziun dalla fiasta da cant districtuala a Trun havess la SMT sunau entgins tocs, denton ei ha pluiu!

8-9-24

Uonn ha la SMT sunau sco usitau alla pardananza si Nossadunna. Duront la processiuon eis ei stau schetg. La messa ha buca pli giu liug ordaviert, aschia che lezzas produenziuns ein curdadas.

15-9-24

Il davos act dalla fiasta 600 onns Ligia Grischa per la SMT ei stau las undraziuns el curtin d'honor sut igl ischi a Trun. Duront igl act festiv dallas undraziuns havein nus sunau dus tocs. Silsuenter essan nus marschai tuts ensemen entochen sin plaz scola. Ella sala da cultura han las undraziuns cuntinuau senza produenziuns dalla SMT.

6-10-24

Uonn ha la SMT sunau sco usitau alla pardananza a Trun. Cun produenziuns avon e suenter messa ha la musica embeliu ella.

Il diember actual da commemoras e commembers dalla SMT dumbra 29.

october 2024

Vies actuar

Andriu Tambornino

ps: Jeu engraziel a la KI che ha gidau da scriver onn per onn la cronica dalla SMT.